

6 Jun 2012

Peniaga pasar borong dituduh miliki heroin

Oleh RAIS YEOP JOHARI
rais.johari@kosmo.com.my



MOHD. ASRI (kiri) diiringi anggota polis ke Mahkamah Majistret Rembau semalam untuk menghadapi dakwaan memiliki heroin

REMBAU – Seorang peniaga pasar borong dihadapkan ke Mahkamah Majistret di sini semalam atas dua tuduhan memiliki dadah di Tampin bulan lepas.

Mohd. Asri Kedus, 45, dituduh memiliki dadah jenis heroin seberat 84.93 gram di sebuah rumah di Felda Jelai 2, Gemas, Tampin pada pukul 1.15 pagi, 28 Mei lalu.

Dia yang berjalan dengan menggunakan tongkat kerana cedera di kaki akibat kemalangan jalan raya baru-baru ini, menghadapi dua pertuduhan.

Bagi pertuduhan pertama, dia didakwa mengikut Seksyen 39B (1)(a) Akta Dadah Berbahaya 1952 yang memperuntukkan hukuman mati mandatori jika sabit kesalahan manakala bagi pertuduhan kedua, dia didakwa memiliki dadah jenis syabu seberat 0.70 gram di lokasi, waktu dan tarikh sama mengikut Seksyen 12(2) akta sama yang memperuntukkan hukuman denda tidak lebih RM100,000 atau penjara maksimum lima tahun atau kedua-duanya sekali.